

Edizioni

- letto 355 volte

Bédier 1938

I.

Il me covient renvoisier
en cest estey
et joer et solacier
et deporter:
j'ai trovey
mon cuer plus que je ne sueil enamoré;
mais grever
me cuident li mesdisant et dessevrer.

II.

La tousete es blans muteaus,
es chevous lons,
celi donrai mes joiaus
et mes granz dons.
Sejornons,
ensi s'en va mes avoirs a grant bandon.
Or maingons,
solaçons et deportons! Bons poissons,
vins poignanz et bons rapiaux et venoisons!

III.

S'ele me done un baisier
en receley,
je n'avroie pas si chier
une cité;
j'en pri Dey:
lors avrai quanque je quier a point mené.

- letto 293 volte